

სატენდერო განცხადება

გამარტივებული ელექტრონული
ტენდერი

- | ა) ტენდერის ტიპი | გამაორცილებელი ელექტრონული ტენდერი |
|--|---|
| ბ) სატენდერო განცხადების ნომერი | |
| გ) შემსყიდველი | |
| დ) ტენდერის გამოცხადების თარიღი და დრო | |
| ე) წინადადების მიღების დაწყების თარიღი და დრო | 22.01.2011 00:00 |
| წინადადების მიღების დასრულების თარიღი და დრო | 24.01.2011 15:00 |
| ვ) შესყიდვის ობიექტის სავარაუდო ღირებულება | 3800 ლარი |
| ზ) წინადადება წარმოდგენილი უნდა იქნეს | დღგ-ს გარეშე |
| თ) კლასიფიკატორის დანაყოფი და შესაბამისი CPV კოდი | |
| ი) შესყიდვის დეტალური ობიექტი და შესაბამისი CPV კოდი | 50112300 |
| კ) შესყიდვის ობიექტის რაოდენობა | მოცემულია ტექნიკურ დავალებაში |
| ლ) შესყიდვის ობიექტის მიწოდების ვადა | ხელშეკრულების დადებიდან 31.12.2011წ. ჩათვლით |
| მ) ფასის კლების ბიჯის ოდენობა | 38 ლარი |
| ნ) ელექტრონული გარანტიის ოდენობა | |
| ო) შემსყიდველის უფლებამოსილი წარმომადგენლის სახელი და გვარი, რომელმაც განათავსა სატენდერო განცხადება სისტემაში განთავსების თარიღი და ზუსტი დრო | |
| პ) ელექტრონული გარანტიის მოქმედების მინიმალური ვადა | არანაკლებ 30 კალენდარული დღე ეტაპიდან „წინადადების მიღება დაწყებულია“ |

შესყიდვის ობიექტს წარმოადგენს შპს „ელექტროენერგეტიკული სისტემის კომერციული ოპერატორი“-ს საკუთრებაში არსებული 3 (სამი) მსუბუქი და 1 (ერთი) ჯიპის ტიპის მანქანის რეცხვა და მსგავსი მომსახურებები.

შესყიდვის ობიექტის სავარაუდო ღირებულება მითითებულია დღგ-ს გარეშე. აუცილებლობის შემთხვევაში ხელშეკრულება გაითვალისწინებს დღგ-ს.

ამ გამარტივებული ელექტრონული ტენდერის შედეგად გაფორმებული ხელშეკრულებით განსაზღვრული შესყიდვის დაფინანსება ხდება შპს „ესკო“-ს საკუთარი სახსრებით.

სატენდერო წინადადების უზრუნველყოფის გარანტია და ტენდერში მონაწილეობის საფასურის გადახდა შესაძლებელია განხორციელდეს სახელმწიფო შესყიდვების სააგენტოს 2010 წლის 22 ოქტომბრის №9 ბრძანებით დამტკიცებული „სახელმწიფო შესყიდვის ელექტრონული საშუალებით განხორციელების შესახებ“ დროებითი წესის შესაბამისად.

სატენდერო წინადადების უზრუნველყოფის გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს. გარანტიის მოქმედების ვადაა არანაკლებ 30 კალენდარული დღე სატენდერო წინადადების მიღების დაწყებიდან.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრები:

ლევან გურული, ტელ: 891114112, ელ.ფოსტა: lguruli@esco.ge

სოფიო კერვალიშვილი, ტელ: 898555571, ელ.ფოსტა: skervalishvili@esco.ge

დაკავშირება უნდა მოხდეს ტელეფონზე ყოველდღე 10:00 სთ-დან 17:00 სთ-მდე, ხოლო ელ. ფოსტით ყოველ სამუშაო დღეს 10:00 სთ-დან 17:00 სთ-მდე.

შპს „ელექტროენერგეტიკული სისტემის კომერციული ოპერატორის“ მანქანის რეცხვის და მსგავსი მომსახურებების შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2010 წლის 22 ოქტომბრის ბრძანებით დამტკიცებული „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მოთხოვნათა შესაბამისად.

2011 წელი, 18 იანვარი
ქ. თბილისი

ს ა რ ჩ ე ვ ი

1.ინსტრუქტაჟი გამარტივებულ ელექტრონულ ტენდერში მონაწილეობის მისაღებად

2.საკვალიფიკაციო მოთხოვნები

3.ტექნიკური დავალება

4.სახელმწიფო შესყიდვების შესახებ ხელშეკრულების პროექტი

5.აფიდავიტი

6.შემსყიდველი ორგანიზაციების ჩამონათვალი

1. ინსტრუქტაჟი

გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის უკვე ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, მიმწოდებელი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას. აფიდავიტი სატენდერო კომისიას უნდა წარედგინოს ერთიან სისტემაში სატენდერო წინადადებასთან ერთად ატვირთვის გზით (დადასტურებული ხელმოწერით).

მოქმედი წესის მიხედვით (აფიდავიტი, სატენდერო წინადადება და მისი თანმხლები დოკუმენტები, ნიმუში (ასეთის არსებობის შემთხვევაში) და საკვალიფიკაციო მონაცემების დამადასტურებელ დოკუმენტები ასევე წარედგინება სატენდერო კომისიას დადგენილი წესით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია დაბრუნებას არ ექვემდებარება შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

დ) პრეტენდენტის მიერ არაკეთილსინდისიერი ქმედების განხორციელებისას.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.

ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი. თუ სატენდერო განცხადებაში მითითებულია, რომ სატენდერო წინადადების ფასი წარმოდგენილ უნდა იქნას დამატებული ღირებულების გადასახადის (შემდგომში დღგ) გარეშე, მიმწოდებელი სისტემაში ფასს უთითებს დღგ-ს გარეშე, თუმცა თუ იგი დღგ-ს გადამხდელია, შესაბამისი ოდენობით თანხა გათვალისწინებულ იქნება ხელშეკრულებაში.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრულ ბიჯზე არანაკლები ოდენობით.

ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

საკვალიფიკაციო მონაცემები არის ადმინისტრაციული ორგანოებიდან წარმოსადგენი დოკუმენტები, რომლებიც წარმოდგენილ უნდა იქნას სატენდერო განცხადებით ან სატენდერო დოკუმენტაციით მათი მოთხოვნის შემთხვევაში.

საკვალიფიკაციო მონაცემების წარმოდგენისათვის შემსყიდველი პრეტენდენტს განუსაზღვრავს ვადას არაუმეტეს 5 სამუშაო დღისა.

იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

იმ შემთხვევაში, თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე. ამ შემთხვევაში ხდება პრეტენდენტის დისკვალიფიკაცია.

პრეტენდენტის დისკვალიფიკაცია ხდება ასევე მის მიერ საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენის შემთხვევაში.

ასეთ შემთხვევაში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას, სატენდერო კომისიას უფლება აქვს შეწყვიტოს ტენდერი.

ხელშეკრულების ფორმა და აუცილებელი პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

წინადადებაზე ინსტრუქტაჟი ატარებს სარეკომენდაციო ხასიათს.

2.საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1. იურიდიული პირისათვის და ინდივიდუალური მეწარმისათვის:

ა) ცნობა შესაბამისი უფლებამოსილი ორგანოდან, რომ არ მიმდინარეობს გადახდისუუნარობის საქმისწარმოება;

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

გ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან რომ არ ხორციელდება იურიდიული პირის რეორგანიზაცია ან ლიკვიდაცია;

დ) წინამდებარე სატენდერო დოკუმენტაციით განსაზღვრული ვადის განმავლობაში, მომსახურების მიწოდების განხორციელებისათვის შესაბამისი ტექნიკური აღჭურვილობის და შესაძლებლობის დასაბუთება (დანადგარების შესაბამისობა თანამედროვე მოთხოვნებთან, ლიტრაჟის ჩვენება და ა.შ.), რაც ხელმოწერილი უნდა იყოს პრეტენდენტის შესაბამისად უფლებამოსილი პირის მიერ;

ე) პრეტენდენტის შესაბამისად უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ვადის შესახებ. სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 20 კალენდარული დღის განმავლობაში;

ვ) ინფორმაცია ავტოსამრეცხაოთა მდებარეობის შესახებ.

2.2. ფიზიკური პირებისათვის:

ა) ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლესი საქართველოს სისხლის სამართლის კოდექსის შემდეგი თავებით გათვალისწინებული დანაშაულისათვის: თავი XXVI დანაშაული სამეწარმეო ან სხვა ეკონომიკური საქმიანობის წინააღმდეგ და თავი XXXIX სამოხელეო დანაშაული;

ბ) პირადობის მოწმობის ან პასპორტის ასლი;

გ) წინამდებარე სატენდერო დოკუმენტაციით განსაზღვრული ვადის განმავლობაში ასეთი მომსახურების მიწოდების განხორციელებისათვის ტექნიკური აღჭურვილობის და შესაძლებლობის დასაბუთება (დანადგარების შესაბამისობა თანამედროვე მოთხოვნებთან, ლიტრაჟის ჩვენება და ა.შ.), რაც ხელმოწერილი უნდა იყოს პრეტენდენტის შესაბამისად უფლებამოსილი პირის მიერ;

დ) პრეტენდენტის შესაბამისად უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ვადის შესახებ. სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 20 კალენდარული დღის განმავლობაში;

ე) ინფორმაცია ავტოსამრეცხაოთა მდებარეობის შესახებ.

2.3. საკვალიფიკაციო მოთხოვნით გათვალისწინებული ადმინისტრაციული ორგანოებიდან წარმოსადგენი დოკუმენტები გაცემულ უნდა იყოს “ტენდერი გამოცხადებულია” სტატუსის მინიჭების შემდეგ. აღნიშნული დოკუმენტები წარმოდგენილი უნდა იქნეს ელექტრონული ვაჭრობის დამატებითი რაუნდების

შემდეგ, შემსყიდველი ორგანიზაციის მოთხოვნის შესაბამისად. საკვალიფიკაციო მოთხოვნებით (ადმინისტრაციული ორგანოებიდან წარმოსადგენი დოკუმენტები) გათვალისწინებულ დოკუმენტებს წარმოადგენს მხოლოდ გამარჯვებული პრედენდენტი.

3. ტექნიკური დავალება

3.1. შპს „ელექტროენერგეტიკული სისტემის კომერციული ოპერატორის“ (შემდგომში – ესკო) მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს შპს „ელექტროენერგეტიკული სისტემის კომერციული ოპერატორი“-ს საკუთრებაში არსებული 3 მსუბუქი და 1 ჯიპის ტიპის მანქანის რეცხვა და მსგავსი მომსახურება.

3.2. მიმწოდებელმა უნდა უზრუნველყოს ზემოაღნიშნულ 4 მანქანასთან დაკავშირებული შემდეგი მომსახურების განხორციელება:

- “კერხებით” გარედან რეცხვა, სალონისა და საბარგულის გასუფთავება;
- ძრავის რეცხვა;
- სალონისა და საბარგულის ქიმშენდა;

3.3. დაფიქსირებული სატენდერო ღირებულებით მიმწოდებელმა, უნდა უზრუნველყოს: 3 მსუბუქი ა/მ რეცხვა თვეში სულ 20-ჯერ, 1 ჯიპის რეცხვა თვეში სულ 8-ჯერ.

გარდა ამისა, ძრავის რეცხვა თითო მანქანაზე წელიწადში ერთჯერ;

– სალონისა და საბარგულის ქიმშენდა წლის განმავლობაში მხოლოდ 3 ა/მანქანაზე სულ 3-ჯერ.

3.4. პრედენდენტს უნდა გააჩნდეს თბილისში არანაკლებ 5 ავტოსამრეცხაო ობიექტი ვაკე-საბურთალოს, დიდუბე-ჩუღურეთისა და ძველი თბილისის რაიონებში.

3.5. ტენდერის დასრულების შემდეგ დაფიქსირებული საბოლოო სატენდერო ღირებულებიდან გამომდინარე, განისაზღვრება ზემოაღნიშნული მომსახურების ერთეულის ფასი ცალკეული სახეობის მიხედვით, რომელიც ასახავს ჰპოვებს ხელშეკრულებაში და მომსახურების ანაზღაურება მოხდება ყოველთვიურად ფაქტიურად გაწეული მომსახურების მიხედვით შესაბამისი მიღება-ჩაბარების აქტისა და საგადასახადო დოკუმენტაციის საფუძველზე.

4. სახელმწიფო შესყიდვების შესახებ ხელშეკრულების აუცილებელი პირობების პროექტი

ხელშეკრულება

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება ხელშეკრულების გაფორმების დროს, რომლის დროსაც გათვალისწინებული იქნება გამარჯვებული პრეტენდენტის სატენდერო წინადადებაც, როგორც მისი განუყოფელი ნაწილი.

ქ. თბილისი, ----- 2011 წელი

ერთის მხრივ შპს „ელექტროენერგეტიკული სისტემის კომერციული ოპერატორი“ (შემდგომში „შემსყიდველი“), წარმოდგენილი მისი გენერალური დირექტორის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს „შემსყიდველის“ მიერ ავტომატური რეცხვისა და მსგავსი მომსახურების შესყიდვა.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს ----- (-----) ლარს დღგ-ს გარეშე (----- ლარს დღგ-ს ჩათვლით).

2.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

2.3. ხელშეკრულებით გათვალისწინებული ანგარიშსწორება განხორციელდება შ.პ.ს. „ელექტროენერგეტიკული სისტემის კომერციული ოპერატორის“ საკუთარი სახსრებით.

3. ანგარიშსწორების ფორმა

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

3.2. წინასწარ გადახდის პირობები არ განიხილება.

4. მიღება-ჩაბარების წესი

4.1. მიმწოდებელს და შემსყიდველს შორის ფორმდება მომსახურების მიწოდების მიღება-ჩაბარების აქტი.

5. საქონლის/მომსახურების მიწოდების ადგილი და ვადა

5.1. მომსახურების მიწოდების ადგილია -----, ხოლო მიწოდების ვადაა ხელშეკრულების გაფორმებიდან 31.12.2011წ. ჩათვლით.

6. მხარეთა უფლება-მოვალეობანი

6.1. შემსყიდველი უფლებამოსილია:

- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- ბ) მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტაცია.

6.2. შემსყიდველი ვალდებულია:

- ა) უზრუნველყოს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

6.3. მიმწოდებელი უფლებამოსილია მოსთხოვოს შემსყიდველს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

- ა) შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;
- ბ) უზრუნველყოს ხელშეკრულების შესრულება ტექნიკური დავალების შესაბამისად;
- გ) საკუთარი სახსრებით აღმოფხვრას აღმოჩენილი ხარვეზი.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ ხელშეკრულების დადების მომენტიდან შესაბამისად განსაზღვრული პირი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულების კონტროლს.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

შემსყიდველი -----

მიმწოდებელი-----

5. აფიდავიტი

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ცალბედი ან/და ცრუ;

* უფლებამოსილი ვარ პრეტენდენტის მიერ, ხელი მოვწმენდი ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლიან-სამართლებრივ პასუხისმგებლობას საქართველოს სისხლის სამართლის კოდექსის 193¹ მუხლის შესაბამისად.

5.1. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში. აფიდავიტის პირობებზე დათანხმება ხდება დადგენილი წესის შესაბამისად. აფიდავიტის ფორმა მოცემულ დოკუმენტაციაში წარმოდგენილია საილუსტრაციო მიზნებისთვის.

5.2. აფიდავიტი ასევე უნდა წარედგინოს სატენდერო კომისიას ერთიან ელექტრონულ სისტემაში სატენდერო წინადადებასთან ერთად ატვირთვის გზით (დადასტურებული ხელმოწერით).

6. შემსყიდველი ორგანიზაციების ჩამონათვალი

შემსყიდველი ორგანიზაციების ჩამონათვალი მოცემულია სააგენტოს ოფიციალურ ვებ-გვერდზე
შემდეგ ბმულზე: [შემსყიდველი ორგანიზაციების ჩამონათვალი](#)

